

皇朝實錄

五十
四冊

太清世祖體天隆運英睿欽文大德弘功至仁純孝
章皇帝實錄卷之一百五卷

順治十三年十二月

甲戌朔

以牛永章京黑勒布為兵部理事官 陞河南河
南道叅政朱衣助為山東按察司按察使廣東提
學道付使錢朝昂為浙江按察司按察使山西冀
寧道叅政王舜年為江西按察司按察使山東青
州道付使陳嘉善為浙江布政使司叅政分守金
衢道陝西驛傳道副使李裳馥為本省布政使司

叅政督糧道

乙亥

停保舉優陞大府知府例

丁丑

轉侍講李士馮溥為內翰林秘書院侍讀學士陞
左諭德程芳朝為翰林弘文院侍讀學士左庶子
王机為內翰林國史院侍讀李士右庶子王熙為
內翰林秘書院侍講學士黑龍江郭博兒村頭
目吳默德遣其子弟招降索倫部落達兒巴等十
戶來貢貂皮賜朝衣馬匹等物有差以拜他喇

布勒哈番崔澄為刑部理事官

江南道試監察

御史于嗣登疏劾總督倉場戶部侍郎李呈祥悞
漕溺戢下吏部議

戊寅

以冊封內大臣鄂碩女董氏為
皇貴妃遣內大臣公愛星阿告

太廟降督捕侍郎梁清遠三級調用以保舉張益
慶為杭州府知府浚益慶因罷軟無能革職連坐
舉主故也

己卯

冊內大臣鄂碩女董氏為
皇貴妃賜之冊寶頌詔天下冊內文曰朕惟乾行
翼贊必資內戒之良坤教彌成式重淑媛之選爰
軫彝典特沛隆恩咨尔董氏敏慧夙成謙恭有度
椒塗敷秀弘昭四德之修蘭殿承芬允佐二南之
化茲仰承

懿命立尔為貴妃錫之冊寶其尚祇勤夙夜行慶家
邦雍和鍾麟趾之祥貞肅助雞鳴之理欽哉寶文
曰皇貴妃寶冊封儀注是日奉冊宝于彩亭禮部
侍郎鄔黑啟心郎吳馬護等送至南苑置彩亭于

門左鴻胥寺官將置節冊寶黃案設于

上所御前殿左啟心郎吳馬護等奉節冊寶于案上
奏設畢

上御殿遍閱節冊寶畢正使副使三員跪于

上所御殿階下大學士覺羅巴哈納捧節學士麻勒
吉捧冊折庫訥捧寶授節于大學士刘正宗授冊
於禮部侍郎鄔黑授寶于禮部侍郎薛蘊由中路
捧置彩亭送至內院是日卯刻將

皇貴妃儀仗設于

皇貴妃宮前內官將節冊寶黃案置于受冊寶所

設香案于節冊寶案前正使大學士劉正宗由內院捧節繼置冊寶于彩亭以次送至宮左龍鍾門置冊寶彩亭副使禮部侍郎鄔黑由彩亭內取冊付使禮部侍郎薛所蘊等由彩亭內寶授于內官內官捧節冊寶由龍鍾門入

皇貴妃朝服宮女隨送迎于內門節冊寶居前皇貴妃隨至拜位置節冊寶于各案內鳴贊官贊讀冊寶

皇貴妃跪女官取冊立于
皇貴妃左讀畢

皇貴妃受冊轉受女官女官跪于

皇貴妃右而受之贊讀寶女官取寶立於

皇貴妃右讀畢跪授于

皇貴妃

皇貴妃受之轉授女官女官跪于

皇貴妃右面受之贊興

皇貴妃右面興行三拜禮畢內官持節出向正使副使言禮畢正使付使退復命是日以冊封

皇貴妃禮成頒詔赦鹵簿原應全設奏中和樂王貝勒貝子等文武群臣俱朝服行禮時因

上在苑不設鹵簿不奏樂王貝勒貝子公等不行朝
賀禮是日早設詔書黃案于太和殿內左側設香
亭龍亭于午門外御道宗室賚羅固山額真尚書
精奇尼哈番等官以下異姓公侯伯及漢文武有
頂帶官員以上俱朝服齊集午門外：即耆老等
俱集天安門外至水橋前大學士覺羅巴哈納自
太和殿內取到詔書禮部尚書恩國恭于簷前
中跪而受之置盤內捧至堦下由御道行張黃蓋
至午門外跪置龍亭內行三叩頭禮畢香亭居前
龍亭在後張蓋列皮頭等儀仗前導教坊司奏樂

既至群臣隨從至天安門外金水橋前尚書恩國
恭自龍亭內取詔書置重案上所設黃案鴻臚寺
鳴贊：趨群臣俱前稱有制衆皆跪讀詔官登案
立而讀畢跪行三叩頭禮又兩跪六叩頭禮畢群
臣分翼而立置詔書于龍亭張蓋列皮頭教坊司
奏樂自大清門出由禮部大門入堦前設案一列
香燭率禮部各官行三跪九叩頭禮隨將詔書刊
示天下詔曰帝王臨御天下慶賞刑威雖當並用
然吉祥茂集之時尤宜推恩肆赦敬迓

天庥朕遵

聖母皇太后諭旨思佐宮闈之化爰慎賢淑之化於
本月初六日冊封內大臣鄂碩之女董氏為皇貴
妃贊理得人群情悅豫逢茲慶典思赦特頒所有
事宜條例如左一自順治十三年十二月初六日
昧爽以前凡官吏兵民人等有犯除謀反叛逆子
孫殺祖父母父母內亂妻妾殺夫告夫婢奴殺家
長殺一家非死罪三人採生折割人謀殺故殺蠱
毒魔魁毒藥殺人強盜妖言十惡等真正死罪不
赦外及貪官衙蠹受賄監守自盜拖欠錢糧侵盜
漕糧員役亦在不赦其餘死罪俱減一等軍罪以

下已發覺未發覺已結正未結正咸赦除之有以
赦前事告訐者不与審理以其罪之一今歲朝
審候決重犯至一百三四十人無知罹辟獨外生
成殊可憫惻其在京朝審過見在候決囚犯俱与
減等發落一各直省司府州縣見在監候秋決各
犯亦准一体減等發落一文職官員除貪賍及大
計處分失陷城池緝盜不獲罪犯越獄拖欠錢糧
漕糧違誤欵件限期審事徇情等罪不赦外其餘
見在議革議降議罰及戴罪住俸各官各該衙門
奏明寬宥一武職官員除貪賍及軍政處分失陷

地方縱兵搶掠拖欠錢糧違誤欽件限期審事徇情等罪不赦外其餘見在議草議降議罰及戴罪住俸各官各該衙門奏明寬宥一應追贓私除貪賍侵盜情重的不赦外其餘察原係家產盡絕力不能完者該督撫察確題請豁免不許株連親族一各地方人等有因叛逆干連原係無辜者該督撫按即與其題釋放一嘯聚山海擁眾不服者果能真心來歸除赦其前罪外仍破格叙擢如其中有能擒斬叛首反正投誠并与不次擢用以示勸酬一各處盜賊或為飢寒所累或為貪官所迫情

實可矜如能改過自首者准赦其罪一各處依附土賊等眾如悔過擒拏賊首投誠及賊首率眾來降者槩宥前罪仍与官職以示鼓勵於戲殊恩蕩蕩法宥過以施仁嘉祉綿衍貽謀而昌後布告天下咸使聞知以鑲藍旗烏真超哈固山固山大王成名為甲喇章京

庚辰

以鑲白旗烏真超哈固山阿達哈、番李永盛為甲喇章京

辛巳

刑部言查年內朝審候決人犯內有事關謀反叛逆謀殺故殺告夫毒藥強盜貪官受賍監守自盜等罪或照恩詔首款不赦或照後款減等得旨這朝審候決人犯謀叛及強盜不赦外貪婪官役蠹國害民深為可恨尤當加嚴不宜寬宥見監犯賍的亦不准赦以昭朕痛懲貪婪至意其餘俱着減等議奏

癸未

轉吏部右侍郎白胤謙為本部左侍郎兼內翰林國史院李士補服闋內翰林國史院檢討王紹

隆原官 陞副理官濟滿為戶部理事官以牛录章京佟祥年為都察院理事官

甲申

降補吏部左侍郎高珩為太常寺少卿右侍郎袁懋功為光祿寺少卿陞通政使左叅議盛復選吏部文選司郎中匡蘭馨俱為太僕寺少卿 吏部左侍郎千代考滿賜羊酒廕一子入監讀書 夜月暈

乙酉

定州縣官朦隱地土例十頃以上罰俸三月三十

頃以上罰俸六月五十頃以上罰俸九月八十頃
以上罰俸一年至百頃者降一降調用

丁亥

禮部言烏真超哈文武官員有世職者原與漢官
不同除在任物故應照原題定例照品級與祭葬
外其同旗養病致仕者如係世職各照前程給與
紙張羊酒致祭如無世職既歸旗下亦應照旗下
例察原項帶給與半分紙帳羊酒致祭從之

上自南苑還宮

己丑

遣喇麻錫喇麻薩穆譚格龍賚勅印封盆控監控
為關化王以牛录章京布達席理為兵部理事
官

庚寅

諭禮部曰以後進春請御殿群臣行慶賀禮者永
行停止諭祭故福建右路總兵官左都督刘仲
金

辛卯

辰刻霧青白色以一等阿達哈、番覺羅穆祿
蘇喇章京覺羅阿範為宗人府理事官以故三

等阿思哈：番胡璉子同春一等阿達哈：番兼
一拖沙喇哈番卑黑特子阿蘭台二等阿達哈：
番楊名高子天福三等阿達哈：番潘沙濟子賁
代吳星格子李珠雅布喀孫布尔海馮錫爵孫攀
龍拜他喇布勒哈番兼一拖沙喇哈番陳可俊子
國起拜他喇布勒哈番席喇巴子庫祿牛成虎子
一麒拖沙喇哈番子起龍弟之子魁各襲職

壬辰

定滿洲蒙古廕生例一品二品官廕生俱以他赤
哈：番用三品官廕生以七品筆帖式哈番用

甲午

陞正黃旗烏真超哈固山甲喇章京周繼新為本
固山梅勒章京 增設理藩院付理事及筆帖式
哈番每旗各一員 調工部左侍郎朱昂延為吏
部左侍郎管右侍郎事陞宗人府：丞孫肇興為
工部右侍郎 陞福建驛傳道付使崔起鵬為河
南布政司叅政分守河南道保定府知府王孫蔚
為山東按察司付使分巡青青州兵備道東昌府
知府劉士蘭為陝西按察司付使駙傳兵備道工
部郎中劉澍為江南按察司僉事分巡安序道補

原任山西督糧道叅政孫登第為本省分守冀寧道浙江紹台道僉事黃鼎象為陝西按察司僉事分巡關西道降山西右布政使董應徵為陝西按察司僉事分巡隴西道吏部言巡方各官或銜不同其有忠廉稱職者應照各原銜分別陞用原係御史者當照例考核陞轉外其理事官內應陞侍郎外應陞左右布政使副理官內應陞理事官外應陞按察使即中內應陞通政使司叅議外應陞布政使司叅議員外郎內應陞鴻臚寺少卿外應陞布政使司叅議主事內應陞太僕寺丞外

應陞按察司僉事中書行人評事博士內應陞光祿寺丞外應陞按察司僉寺或應內陞或應外轉伏候

上裁得旨巡方各官稱職的着內陞順天府進春

乙未

諭吏部曰三楚要地時方用兵總督職任尤重必得其人始克勝任朕見李蔭祖才猷精敏年力富強着加太子太保仍以兵部尚書兼都察院右副都史總督湖廣等處軍務兼理糧餉

丙申

上以冊封皇貴妃請加上
皇太后徽號表文曰子皇帝臣
奏恭惟 謹

聖母昭聖慈壽恭簡安懿皇太后陛下

天禧懋集

坤德弘昭臣祇奉

訓言撫綏函夏八埏嚮化億姓蒙庥茲復特簡淑慎
之儀茂佐宮闈之政神人允協典禮宜崇爰順群
心上加

徽伏祈

垂茲愈鑒俾展微忱介福祿於無疆衍本支於有永
臣不勝憐之至以上

昭聖慈壽恭簡安懿皇太后徽號遣內大臣公額爾
克代青尚書賚羅科爾坤內大臣公愛星阿尚書
車克祭告

天地

宗廟

社稷 陞正藍旗烏真超哈固山牛录章京趙元璧
周國禎為甲喇章京 陞延綏副將高謙為都督
餘事管江南鎮江府副將事 以故阿思哈、番

連得成子登雲襲職

丁酉

上率諸王貝勒文武羣臣恭奉冊寶加上

昭聖慈壽恭簡安懿皇太后為

昭聖慈壽恭簡安懿章慶皇太后冊文曰維順治十

三年歲次丙申十二月甲戌朔越二十四日丁酉

子皇帝 臣

謹稽首再拜上言

慈恩罔極祇深愛戴之忱

盛德雜名益肅尊宗之典澤流寰海喜滋

聖母昭聖慈壽恭簡安懿皇太后

道合坤真

功參乾始

茂膺純嘏既錫祚于蕝躬特簡賢媛俾協袞乎內

治問安視膳莫申養志之微誠顯號隆儀用表

徽音之脩美謹告

天地 宗

廟

社稷率諸王貝勒文武群臣恭奉

冊寶加上

徽號曰

昭聖慈壽恭懿章慶皇太后伏願

福增瑶牒

瑞藹萱闈如月之恒燕翼祥開百世唯仁者壽翟
瑜輝映千秋臣誠懼懼誠忭稽首頓首謹言寶文
曰

昭聖慈壽恭簡安懿章慶皇太后寶 太子太保內
弘文院大學士苗海考滿加少傅賜羊酒廩一子
入監讀書 望侍讀方懸成為內翰林弘文院侍
讀學士左敬祖為內翰林國史院侍講學士侍謀
曹本榮為左春坊左庶子兼內翰林秘書院侍讀

禮部以元旦請

上詣堂子得旨既行拜神禮何必又詣堂子以後着

永行停止尔部亦不必奏請

戊戌

以恭上

皇太后尊號禮成諸王羣臣及公主福金併命婦等
俱行慶賀禮是日詔赦天下詔曰自古帝王統御
天下首重尊親故嘉禮告成必晉崇顯號推厥弘
澤洽於四海所以廣孝思昭錫類之仁甚盛典也
朕承

聖母昭聖慈壽恭簡安懿皇太后慈訓撫輯萬方于
今踰紀茲更遴選賢淑俾佐壺教弼成內治仰惟
至德高厚雜酬非藉鴻稱曷申孝悃是用祇告

天地

祖宗

社稷于十二月二十四日率諸王貝勒文武群臣恭

奉冊寶加上

聖母尊號曰

昭聖慈孝恭簡安懿章慶皇太后隆儀爰舉湛惠斯
覃所有應行事宜條列于後一和碩親王以下奉

恩將軍以上俱加恩賜一內外公主以下固山格
格以上俱加恩賜一外藩諸王以下固山額真以
上各加恩賜一在京文武官員除未隨朝幼官外
公侯伯以下至九品官員普加恩賜一各省固山
額真昂邦章京梅勒章京總督巡撫并總兵官各
加恩賜一順治八九兩年地畝人丁奉折錢糧拖
欠者該督撫確察果係拖欠在民者具奏豁免已
徵在官者不得借口民欠侵隱一順治八九兩年
分曆日祭祀牛羊藥材奉折錢糧其已徵收在官
者照數起解其拖欠在民者該督撫確察具奏豁

免一十三年以前各省牛角皮料等項果有未解
完者工部確察照例改折以舒民力一在京滿洲
蒙古烏真超哈兵丁量給恩賞一滿洲兵丁披甲
隨征多年効力被傷不能披甲及年老有疾退役
者酌給恩賞一撥發別省征剿兵丁深為可憫其
家口坐糧照例給發務令得沾實惠於戲榮號游
加用闡

慈闈之聖善宏恩遐播庶合海宇之歡心布告天下
咸使聞之 諭禮部曰朕攷往代典制歲時致享
必于

太廟至于晨昏謁見節序告虔朔望薦新生辰忌辰
行礼等事皆另建有奉先殿今制度未備孝思莫
伸朕心歎然尔部即察明舊典來奏 旌表節婦
鑲黃旗兵詹達海妻波添黑纏卜妻魏赫即巴郎
阿妻奔者小撥什庫必湯妻蘇妹正黃旗薄本妻
白格正紅旗陳印官妻李氏鑲紅旗小撥什庫他
海妻書布擺他喇布勒哈番察布海妻伊木三正
藍旗擺牙喇西拉八妻胡廈裡兵土海妻鄭庫鄭
世選妻王氏刘永崇妻畢氏鑲藍旗小撥什庫達
哈納妻渾姐阿開妻埋姐博合礼妻倭内克兵托

西妻撒木哈礼他礼妻書姐綏班妻畢喇克烈婦
鑲黃旗小撥什庫吳業妻齊哈齊正黃旗兵亦
特恨妻唐記錄正白旗落必妻喇巴鑲白旗物林
人吳哈妻偏峩正紅旗黃玉妻趙即鑲紅旗擺牙
喇撒尔克妻阿即哈滿都妻馬格正藍旗兵什土妻
瓦兒大鑲藍旗擺牙喇辛大礼妻領子張代夫妻
張氏給銀建坊如例 旌表孝子直隸獲鹿縣李
枝茂鄴婦大興縣民陶寫妻覺氏陶瓚妻李氏陶
守義妻王氏霸州生員崔士瞻妻任氏清苑縣民
李世珍妻張氏唐興民李清亮妻王氏廣平縣生

員陰万化妻蔡氏民王懷直妻李氏永年縣民趙
一鳶妻張氏易州民趙應榜妻丁氏滑縣生員豐
尔功妻胡氏元城縣民李齊芳妻閻氏開州民蔡
瑾妻張氏內黃縣民杜維之妻鄭氏長垣縣生員
靳于朴妻李氏滄州生員刘彦妻吕氏天津衛生
員馮鼎錫妻朱氏邢台縣民王俸祿妻張氏給銀
建坊如例 兵部覆廣西巡撫于時躍疏巨逆李
定國前在土司遺妻張氏並家口到省來投請給
住宅銀米養贍以繫其心併氏父張應選及家口
人等俱給月米使定國遙感

皇恩速來就撫得旨李定國妻張氏及家口人等在彼養贍恐不周到負朕体恤本懷爾部差章京一員令該督撫遴委的當員役途次供給擁護同送來京從優恩養以彰朕招徠至意 命

太廟牌扁傳書蒙古字止書滿漢字 禮部覆浙江提督總兵官田雄疏查會典開載有衙門品級不同而不係屬官有用故牒之例今議提督總兵行州縣宜用故牒州縣行提督總兵用申文從之

已亥

諭禮部曰古來聖帝明王皆大有功德于民者所

以累代相因崇祀不替今歷代帝王廟祭典雖已修舉但十三年來俱係遣官致祭朕今欲于明春親詣行礼以抒景仰前徽至意爾部即酌議禮儀具奏 轉工部右侍郎孫肇興為本部左侍郎陞大理寺卿林起龍為工部右侍郎通政使司通政使張爾素為刑部右侍郎福建福寧道叅政蘇弘祖為都察院左僉都御史太常寺卿于之士為宗人府丞 以大工告成加工部營繕司理事官喀爾堪付理格巴各一拖沙喇哈番郎中霍叔瑾太僕寺少卿仍管司事 贈殉難湖廣永州府通判

鄺胤昌為湖廣按察司僉事廕一子入監讀書
禮科給事中魚飛漢上言大法小廉化行自上臣
觀今日司道府廳多以禮節賄賂定有司賢否無
怪乎貪風日熾而激揚鮮効也今浚州縣如有借
節禮生辰名色餽送司道府廳而司道府廳不即
出首者督撫據嚴加採訪糾至于督撫按互糾屢
奉俞旨未見實行尤望

天語嚴飭若仍前容隱當坐以連坐之法得旨據奏
屬吏借節禮生辰名色餽送上司公行賄賂深可
痛恨着嚴行禁革犯者重治前諭督撫按互糾未

見遵行並着再行嚴飭

庚子

諭吏部曰太子太保內翰林弘文院大學士成克
鞏着仍以原官回內院辦事 四川：北鎮總兵
官盧光祖卒 禮部上

皇上躬祭

歷代帝王儀注先期致齋二日照常備辦牲醴香
帛奎儀衛設鹵簿設

上拜位于

帝王廟殿中設御幄于景德門外左祭日清晨

上乘輿由長安右門出至廟由中門入至幄前降輿
入盥洗訖更礼服由中門中道至拜位典儀唱樂
舞生就位執事官各司其事內贊奏就位

上就拜位典儀唱迎神樂作奏詣香案前上香

上三上香訖奏復位樂止贊行三跪六叩頭禮興典

儀唱奠帛行初獻禮作樂執事各官捧帛捧爵跪
行于各

神位前樂暫止奏跪

上乘跪贊讀祝讀訖內贊奏行三叩頭禮興樂作樂
止典儀唱行亞獻禮樂作樂止典儀唱行終獻禮

樂作樂止太常寺卿進立於壇東西向唱飲福受
胙內贊奏詣飲福位奏跪奉福酒跪進于

上右內贊奏飲福酒

上飲訖奉福胙官跪進于

上右內贊奏受胙訖奏行三叩頭禮贊興奏復位
奏作兩跪六叩頭禮興典儀唱徹饌樂作執事官
于各

神位前徹饌訖樂止典儀唱送神樂作內贊奏行
兩跪六叩頭禮樂止典儀唱讀祝官捧祝進帛官
捧帛掌祭捧饌各詣燎位樂作內贊奏禮畢樂止

上至御帷易服還宮 更定納妃聘禮數目馬八匹
雕鞍八副盔甲八副金茶筭一銀盆一金五十兩
銀二千兩緞二百疋布四百疋

壬寅歲暮享

太廟 遣官祭

福陵

社稷

四祖陵 遣官祭太歲月將之神 是歲人丁戶內

一千五百四十一萬二千七百四十六田地山蕩
四百七十八萬一千八百六十頃畦地二萬二千

六百四十三個徵銀二千二百八萬九千六百九
十六兩三錢米麥豆五百八十一萬二千六十石
二斗有奇草四百六十七萬四千三百五十五束
中茶八萬二千五百八十五篋行鹽四百四十六
萬四百五十六引徵課銀二百三千九萬五千九
百七十五兩二錢有奇鑄釐錢二十六萬四百八
十七萬二千三百八十有奇銅二十二萬三千三
百七十有奇鈔一千二萬八千一百七十二貫四
百七十有奇

大清世祖體天隆運英睿欽文大德弘功至仁純孝
章皇帝宴錄卷之一百六

順治十四年春正月甲辰朔

上拜神畢詣

太祀妃

皇太后宮行禮畢御太和殿諸王貝勒貝子公文武
羣臣及冰藩蒙古貝勒貝子公台吉等上表行慶
賀禮是日賜宴 朝鮮國王李倣遣陪臣殷江等
表賀冬至元旦

萬壽節附貢方物及歲貢宴費如例

丁未 以梅勒章京

上帝壇香案前立司香官捧香盒跪香案右引礼官
奏跪

上跪奏上香

上跪上炷香於炉内又三上塊香畢

上立引礼官尊

上至

太祖香案前五進香如前儀引礼官奏復位

上復立樂止引礼官奏跪叩頭傳贊同

上行三跪九叩頭礼王以下陪祀各官俱隨

上行礼畢引礼官奏興：典儀唱奠玉帛協律詠唱

奠玉帛樂奏肅平之曲樂作引礼官奏陞壇

上至

上帝壇神位前立捧玉帛官跪左側引礼官奏跪

上跪奏獻玉帛

上獻玉帛於神位畢引礼官尊

上至

太祖神位前獻帛如前儀引礼官奏復位

上復位樂止典儀官唱進胙

上退立于位左

上帝壇牲

太祖配帝壇牲以次由中門進于神位前陳獻畢恂

律即唱進豚樂奏咸平之曲樂作引礼官奏陞壇

上至

上帝位前立奏跪

上跪奏獻豚

上獻豚畢興引礼官尊

上至

太祖神位前立獻豚如前儀奏復位

上復位樂止典儀唱行初獻礼恂律即唱初獻樂奏

壽平之曲樂作引礼官奏陞壇捧爵官執爵跪于

上帝神位案左

上詣

上帝位近前立奏跪

上跪奏獻爵

上獻爵畢引礼官奏詣讀祝位

上詣讀祝位樂止讀祝内院官一員詣讀祝案前行

一跪三叩頭礼請祝版立于案左奏跪傳贊同

上跪王以下陪祀各官讀祝官俱跪贊讀祝讀畢奉

安祝版於供案前行一跪三叩頭礼奏叩頭樂作

上行三叩頭礼王以下俱跪行礼畢奏興、引礼官
尊

上至

太祖神位前立献爵如前儀奏復位

上復位樂止引礼官奏行亞献礼亞献儀同初献樂
奏景平之曲亞献畢引礼官奏行終献礼終献儀
同亞献樂奏永平之曲終献畢贊礼官唱福胙引

礼官奏請飲福胙位

上詣飲福胙位立官二員向神位捧福胙又官二員
對立受胙進福胙官二員跪于左受福胙官二員

跪于右奏跪

上跪奏飲福

上受爵与执爵官奏受胙

上受胙与捧胙官進福胙官二員受福胙官二員起

立退奏叩頭

上行三叩頭礼畢奏興

上興奏復位

上復位引礼官奏跪叩頭傳贊同

上行三跪九叩頭礼王以下陪祀各官俱随行礼畢
奏興、典儀唱撤豆恊律郎唱撤豆樂奏疑平之

曲樂作撤玉官一員詣

上帝位前行一跪三叩頭禮撤玉樂止典儀唱送

上帝神恊律即唱送

上帝神樂奏清平之曲樂作引禮官奏跪叩傳贊同

上行三跪九叩頭禮王以下陪祀各官俱隨行禮畢

奏興、樂止典儀唱讀祝進帛官捧祝帛撤饌官

撤饌各詣燎位

上起立西向捧祝官一員捧帛官二員捧香盒官二

員各詣神位前撤祝帛官各詣前行一跪三叩頭

禮撤香饌官不叩頭各跪捧以次退詣燎位典儀

唱望燎恊律即唱望燎樂奏太平之曲樂作引禮

官奏望燎位

上詣燎位立燎畢奏禮官尊

上出大享東門至更衣幄更衣王貝勒貝子公等俱

隨出陪祀各官由西磚門出

壬子

兵科都給事中許作梅條上銓獎四款一赦款遵
行宜信一保舉連坐宜戾一學改考核宜詳一部
屬調補宜慎目劾學士胡兆龍署部事時於此四
事全無取正至若員外郎願贊揆越資俸躐署改

功違敕亂法乞重加處分以清銓獎命吏部察議
以正藍旗滿洲固山擺牙喇喇章京莽机喬
賴喇章京胡札祿俱為本固山梅勒章京 陞西
城理事官盧興祖為大理寺右理事官 革總督
倉塲戶部侍郎范達禮李星祥仍罪鞫事以漕糧
重積河干悞運溺戕故也

癸丑

大學士劉正宗考滿加少傅兼太子太保蔭一子
入監讀書 陞都察院右付都御史魏裔介為左
都御史太僕寺卿傅維鱗為通政使司通政使左

通政張天植為大理寺卿 工部言凡各壇廟門
扁額或從

太廟例去蒙古字止書滿漢字或仍用舊額命如
太廟例

甲寅

寧海大將軍固山額真宜爾德征舟山凱旋
上命多羅貝勒壯蘭寺迎勞于郊外

乙卯

諭吏部曰直省總督關係甚重必得其人乃能勝
任張懸錫着加太子太保仍以兵部尚書兼都察

院右付都御史總督直隸山東河南等處軍務兼
理糧餉 定遠大將軍世之濟度奏報梅勒章京
覺羅阿克善以烏龍江難渡率師沿江由山僻往
福州聞逆賊在福州府局高齊陸路遂先發楮庫
巴高魯巴度進勦遇賊千餘擊敗之斬首二百餘
級又令署纛章京事宜巴格高率領官兵往候官
縣征勦水賊遇賊千餘拒敵擊敗之斬首百餘級
阿克善至福州賊艘二百餘隻泊于高齊境烏龍
江阿克善等率官兵由水路跨蘭大星萬寺率官
兵由陸路齊進擊敗之追至大漳河口陣斬偽都

督總兵偽都司二員獲大小船十四隻舡內軍器
悉獲無遺又聞泉州府大營地方有賊千餘隨令
纛章京穆成格跨藍大馬喇等率官兵前往擊敗
斬賊首七百餘級又惠安縣海港內封涓沙格黃
齊等三村賊衆盤踞隨令署纛章京覺羅雅布蘭
等率兵前進陣斬偽官二員賊首一千七百餘級
獲大小舡五百九十餘隻盡行焚燬又衛套地方
泊有賊船隨令跨藍大、雅等進征斬敗賊衆焚
燬賊船十七隻又聞安鎮對岸梅花碾石二村容
留賊寇隨令梅勒章京阿玉錫等領兵進攻斬賊

首四百餘級焚燬賊船八隻又令阿喇哈章京脫
退尋往烏龍江渡口偵探遇賊衆擊敗之燬焚賊
船十六隻又令署蠡章京石漢巴圖魯固山大拜
柱獲跨藍大霍忒率領滿兵會合中路總兵楊捷
酌領兵馬進取漳浦縣海島內銅山所後回風作
衆軍難渡署雲霄鎮叅將張翰率兵登舟未及一
半賊衆突犯翰同千總一員把總一員兵六十餘
名戰歿于陣因官兵失利兵力單薄再曷相機攻
取前恢復海澄具疏後又投誠偽都督總兵一員
付將五員叅將八員遊擊二員都司四員守備三

員千總七員把總八員門教官六員文職二員旗
鼓中軍一員操官四員義將一員大小各官共五
十一員兵三千二十六名原任同安叅將楊啟智
城陷投賊令率領把總一員兵三十名并繳偽總
兵關防印一顆來降原任舟山中軍遊擊杜茂祐
前以舟山失守順賊令率都司一員守備五員把
總五員兵七十八名并繳偽付總兵關防印一顆
來降事下兵部察叙

丙辰

遣官祭故梅勒章京刑部侍郎色冷

丁巳

諭理藩院曰本年進貢來朝王貝勒等仍照舊例
給賞但王貝勒等賞賚過優嗣後元旦來朝王貝
勒等賞例着另行定議具奏

戊午

諭禮部曰金朝帝陵原在房山縣地方聞明氏武
微曰我朝克取遼東誤疑金陵旺氣相關遂將陵
後地脉掘斷又曰己巳年我

太宗皇帝願兵入關追念金朝先德特遣王貝勒大
臣往金陵致祭復將陵前石柱等項拆毀建立闕

廟鎮壓風水妄念

天祿本朝於金陵何與乃故明不思運教有滯輒毀
及金陵亦愚誕甚矣除金祖太世宗己入帝王廟
祭祀其陵寢照舊守地方官春秋致祭外爾部即
差官前往房山縣看視金帝陵寢周圍如切近處
所果有毀壞即行酌量修整仍撰文一道叙述緣
由祭告立碑以誌不朽其闕廟仍舊 諭吏部曰
朕惟制科取士課吏荐賢皆屬朝廷公典原非臣
子可借以罔上行私為市恩報德之地至于師生
稱謂必道業相成授受有自豈可攀援权势無端

親暱近乃陋習相沿流弊無已會試鄉試考官所
取之士及殿試讀卷廷試閱卷學道考試優苛督
撫按荐舉局吏皆號門生往々鑽營干事先往實
百出酬謝于事後賄賂公行甚至平日全無謀
画一旦同官地方有上下相關之久輒妄為師生
之稱或屬官借名獻媚附勢趨炎唯恐不及或上
官恃权相迫恐嚇要挾惟利是圖相煽成風恬不
知耻以致下吏職業罔修精神悉用之交結上司
弗問吏治喜怒一任乎私心目而荐奪不公官評
淆私負國害民全無人理深可痛恨朕欲大小臣

工共滌肺腸痛革積弊以後內外大小各官俱宜
恪守職掌不許投拜門生如有犯者即以特旨論
罪荐舉各官俱始衙門體統相稱一切讀閱卷考
試等項俱不許仍襲師生三號即鄉會主考同考
務要彙集一堂較閱試卷公同商訂惟才是求不
許久立房名色如揭榜後有仍前謔作師生者一
併重處不貸尔部即通行矣榜內外各衙門務令
恪遵永絕用党之根以昭朕激勸臣工共還蕩平
至意 順天府舉行鄉飲酒禮

庚申

上御太和殿賜寧海大將軍固山額真宜爾德及隨
行諸將宴 改吏部右侍郎盧崇政為兵部左侍
郎兼都察院右付都御史總督宣大軍務 陞四
川、北直叅政盧慎言為江南按察使司按察使
長芦運鹽使司運使李兆乾為浙江布政使司叅
政分守杭嘉湖道山西冀南道付使董顯忠為福
建布政使司叅政分守福寧道湖廣上荆南道叅
政刘興漢為福建布政使司叅政督糧道山東莒
州知州吳大壯為江南按察使司付使分巡江寧
道廣東海北道叅政蕭炎為福建按察司付使清
軍驛傳道吏部員外郎趙曰冕為福建布政使司
叅議分守漳南道山東武德道余事揚鴻瑞為浙
江布政使叅議督糧道 戶科右給事中王命岳
奏自古致治皆由官多久任我

朝外吏三年考績京堂而上有半載即迁者有一二
年即迁者廡有十年之吏堂無百日之官、生吏
熟百弊叢生乞勅部詳議正卿亞卿必滿三年其
餘卿等量定滿期永遠遵守下所司議奏

辛酉

陞吏科給事中任克溥為刑科右給事中

壬戌 禮部以恭遇

皇上萬壽諸王羣臣應行慶賀禮設筵宴

上曰朕親以來數年于茲雨暘未調盜賊未息民困

未獲方切儆場今以生辰受賀弥覺不安至日

皇太后儀仗全設朕親詣行禮其諸王羣臣賀表及

筵宴俱着免行 以學士科爾坤為都察院叅政

陞通政使司付理事官王來任為西城理事官

癸亥

陞禮部員外郎陳瑾為福建按察司僉事提調學

政 予湖廣總督胡全才祭二壇再加祭一壇給

全葬 旌表節婦山西蔚州監生李誼叔妻王氏

給銀建坊如例 禮部酌定祭

奉先殿禮儀初奉安

神位於

奉先殿

皇上親詣行禮內大臣下內官員等俱隨行禮太常

寺贊禮官贊禮太常寺樂舞生作樂致祭是日早

內官陳設祭品于各

神位前執事官太常寺贊禮官樂舞生等俱各司其

事內大臣下內官員等各具朝服詣

奉先殿門外兩傍序立俟陳設畢

上其礼服詣各

神位前一跪三叩頭請起

神位捧各

神位內官員等亦一跪三叩頭奉安各

神位於亭內畢

上及捧

神位內官員俱行一跪三叩頭禮畢內官員等俱起

神亭前行由中門出詣

奉先殿

上乘輿隨行內大臣下內官員等俱于

奉先殿門外跪迎

上至

奉先殿門外降輿隨

神亭入內大臣下內官員等隨

上至

奉先殿院內久班侍立安置

神亭於

奉先殿丹陛畢引禮官導

上詣

神位前行一跪三叩頭禮請捧

神位內官員等隨各詣

神位前一跪三叩頭捧

神位隨

上詣

前殿奉安

神位畢

上及捧

神位內官員等俱行一跪三叩頭禮畢

上退就拜位立贊禮官贊樂舞生詣前執事官各司

其事引禮官奏詣前

上詣前立贊禮官贊迎神恟律詠贊奏迎神中和之

曲樂作引禮官贊跪叩頭

上行三跪九叩頭禮內大臣下內官員等隨行三跪

九叩頭禮畢樂止贊禮官贊獻帛酒行初獻禮恟

律詠贊奏初獻壽和之曲樂作後帛官捧帛請獻

帛案東傍立授爵官捧爵詣各

神位東西兩傍立贊禮官贊詣前捧帛官跪

上詣帛案前引禮官贊跪

上跪贊獻帛

上受帛獻于各

神位案上所引礼官贊隨於各

神位前一、獻訖引礼官引

上詣獻爵處捧爵各官跪引礼官贊獻爵

上立爵獻于各

神位案上聽引礼官贊隨于各

神位前一、獻訖

上復就位拜立樂止贊礼官贊行亞獻礼樂奏豫和

之曲其後爵獻爵礼与初儀獻同亞獻畢樂止贊

礼官贊行終獻礼樂奏熙和之曲樂止贊礼官跪

其後爵獻爵与亞獻同終獻畢樂止贊礼官贊撤

饌樂奏雍和之曲樂止贊礼官跪贊礼畢陞宮即

跪處行三叩頭礼退立樂奏成平之曲引礼官贊

叩頭

上及内大臣下内官員等俱行三跪九叩頭礼興樂

止贊礼官贊捧帛詣燎位捧帛官詣

神位前一跪三叩頭捧帛送燎位引礼官尊

上退立于東西向既至燎位引礼官尊

上復原位立燎畢引礼官贊礼畢尊

上出

殿樂作

上出

殿立於簷下東傍西向內大臣下內官員等仍照前
侍立兩傍樂止俟供獻等物撤畢

上復入

殿詣

神粒前一跪三叩頭請捧

神位其捧各

神位內官員等亦各詣所捧

神位前一跪三叩頭請捧

神位隨

上送至後殿內奉安

神位其餘捧

神位各官亦同

上奉安

神位訖

上及捧

神位內官員等各詣

神位前一跪三叩頭畢

上出升輿還宮以後

皇上親詣致祭俱行家入常禮內大臣下內官員寺
不與陪祀其太常寺贊禮官樂舞生俱不用應內
官贊禮作樂照前行禮致祭之先

上親詣

神位奉安

祀殿祭畢

上躬親送後殿行奉安禮其元旦冬至歲暮

皇太后聖壽

皇上萬壽係大節諸凡冊封係大禮及每月朔望

皇上俱應親詣致祭內官贊禮作樂其供獻應與

太廟大祀禮儀同立春元宵四月初八端陽重陽俱

係尋常節

皇上但親詣致祭不贊禮作樂忌辰清明霜降十月

朔俱係哀暮日

皇上親詣致祭不贊禮不作樂七夕不致祭止照常

供獻中元中秋係十五常祭日期不必重行每月

隨時荐新

皇上應躬詣供獻但係常例供獻不必請

神位于

前殿即于

後殿供獻

上享

太廟或祭畢俱應上香燭于一

奉先殿行躬告禮

上親詣

奉先殿行祭禮之期如遇

上親祭各

壇廟應遣內官一員於

奉先殿行祭禮如

上不親詣

壇廟遣官致祭

上仍應親詣

奉先殿行禮致祭

上以

奉先殿初次行禮宜用祝文餘俱如議 刑科右給

事中任克溥言致治太平莫督撫是急文武之憲

寔所兼任近見督撫員缺多推京堂

皇上既信其人于半日陛辭更誠以

天語人誰無知敢負

君父之隆恩乎但間有以藩司推補者

皇上未嘗親見其人親知其行事而驟畀以鉞重
任恐

皇上之心亦難遽信也近如江南藩司劉漢祚同錢糧未完屢掛彈章今陞福建巡撫豈能彈壓整治以奠高疆至于督撫考成尤為緊要請歷任三載即行考核稱職者陞以異教不稱職者降罰有差庶功罪昭然而人知自愛矣若前督撫之中盡瘁封疆如張存仁等有五大柱石之名臣請博所宜政纂集成書既合旌庸之典且開激勸之途疏入上以督撫必經會推何久內外尚用京師殊為偏論

五大柱石語何所據輒請博取寔政纂集成書俱屬大謬切青之

甲子

諭吏禮兵三部曰我國家之興全賴治兵有法今見八旗人民崇尚文學怠于武事以披甲為畏途遂致軍旅較前迥別詳究其源皆由限年定額考取生童鄉會兩試即得升用及各部院衙門考取他赤哈、番筆帖式哈番徒以文字由白身復擢六七品官得食俸祿未幾又陞副理事額者庫等官得免從軍之役各部院衙門一事教役官以致

員缺居多無不樂于部用今後限年定額考取生童鄉會兩試俱看停止以後各部院衙門取用人員不必久別滿漢文學初用授以筆帖式哈番傳其俸祿照披甲例給以錢糧任滿三年如果勤敏該堂上官詳核給以七品俸祿再滿三年果能稱職陞補他赤哈番又各部院衙門見無五品職官陞轉太速而一應降罰亦屬不便其付理事額者庫品級既同而額者庫又陞付理事官着將額者庫改為五品以便陞轉處分各部院衙門自理事官以至筆帖式哈番各該衙門詳加查核由用

沉員盡行裁去至于官員子弟及勢力望族應披甲者各該牛录章京甲喇章京梅勒章京固山額真不行察察本身不充其後盡令家僕代替或充兵役至及征勦又令代替或不充其後多居間散着曉諭八旗自固山額真以下牛录章京久得撥什庫以上稟行矣禁違者治以重罪其久得撥什庫壯大俱係武職若署章京事方准叙功不署章京事則不与叙殊屬不合今後久得撥什庫壯大俱一体叙功至擺牙喇及披甲人役有功除登城外雖有首先陷陣臨敵斬級効力居多止加賞賚

無授官之例今天下一家非比昔時攻城之後甚
少若仍始旧設叙數十載無攻城之後何以鼓舞
兵士着部商酌另行叙議具奏其每歲下子弟一
人讀書仍遵前旨行各部院衙門缺員即以讀書
子弟補用不得取用閒散人舊例官員遇恩詔及
考滿俱得廕一子入監讀書如常令讀書補授文
職者仍多則止尚文學不習武事其廕入國子監
讀書各官子弟不行停止令其習學武事即于武
職叙用自今以後送監讀書暫行停止俟太平之
日仍始舊行其考滿作何加恩該部酌量另行定

議具奏 遣戶部郎中李及秀巡按河南廣西道
監察御史陳洪柱巡按四川刑部理事官田昇龍
巡按廣西江南道監察御史俞鐸巡按宣大 陞
鑲紅旗滿洲固山擺牙喇甲喇章京阿密達為本
固山梅勒章京

乙丑 午刻風霾

陞山東左布政司謝道為戶部右侍郎廣西右布
政使董應魁為刑部右侍郎通政使司通政使傅
維麟為都察院左付都御史侍讀王清為右春坊
右庶子兼內翰林弘文院侍講右春坊右諭德張

士甄為國子監祭酒 原任順天巡撫柳寅東致仕以科臣姚廷啟論其年老才庸故也

丙寅

以鑲藍旗滿洲固山副理事官尼雅漢為擺牙喇甲喇童京

丁卯

封和碩武肅親王子孟古和碩定親王子塔爾納俱為多羅郡王多羅豫郡主子多爾博為多羅貝勒以和碩武肅親王庶子星寶輔國公班布爾善子華塞俱為三等輔國將軍 封

皇貴妃父三等精奇尼哈番鄂碩為三等伯 以牛录章京祖植松為兵部理事官 陞阿思哈、番張大元為都督同知充鎮守湖廣彝陵提兵官

戊辰

禮科左給事中張光祀言臣子服官當以操守為先近見薊州知州黃家棟餽送一事工鑽營壞官深可痛恨非徹底禁絕仕途難清懇乞

天語戾勝立革陋規至于聚飲成風沉涵祭事關是非之門生依附之端并乞一切禁止以養廉節勸戒掌疏入得旨餽送燕會已經屢旨戾禁如有不

遵着科道官指名咨奏從重究處倘別經奉覓科
道官着一併處治 旌表孝子山西平陽府倚氏
縣民王國正節婦安邑縣儒士楊恒初妻李氏烈
婦江西南昌府進賢縣民陶丑妻姜氏南安府上
猶縣民張立通妻曾氏給銀建坊如例 兵科給
事中金漢鼎會典一書上自朝守之規條下及庶
司之職掌經緯具備纖鉅畢陳然以新憲而沿舊
號非所以一王章定民志也今宜斟酌重定名以
大清會要仍請
御製序文刊刻成書頒布天下再如海內古文秘錄

野在多有宜時遣詞臣分道購求載籍既多然後
博選名流校讐成卷用脩大觀亦古文之一端也
下野司議

已巳

命大學士覺羅巴哈納額色黑將恭德充
聖訓總裁官學士折庫訥察不害白色純充副總裁
官 諭吏部曰親試過荐奉官陸貽吉于訢俱着
以科員用

庚午

以崇營建

奉先殿遺尚書車克明安達禮寬羅科爾坤郭魁祭
告

天地

宗廟

社稷

陞副理事常為內翰林秘書院學士 禮
部言八旗考試進士舉人生員業經奉旨停止其
平西等三藩及定南王續順公下屬員子弟向不
久隸八旗其應試與否請旨定奪命停其考試又
言蒙古官學生補用之缺少應合兩牛采出一人
讀書烏真超哈官學生或仍舊例每牛采出一人

讀書或曰進士舉人生員停其考試視滿洲例每
牛采止出一人讀書又因子監官監生既令習學
武藝効力行間先考取進士舉人生員或仍于部
院衙門補用或令行間効用請旨定奪得旨先考
取進士舉人生員俱着停止烏真超哈官學生如
滿洲例每牛采止出一人讀書 喀爾喀部落畢
什勒爾焉汗貢馬并方物宴費如例

辛未

以營建

奉先殿遺官祭

后土司工之神

壬申

陞檢討丁思孔為內翰林國史院侍讀 以正黃旗烏真超哈固山理事官孫思克祖植松俱為甲喇章京 予湖廣永州府殉難通判鄺胤昌祭葬如例

癸酉 以

萬壽節遣官祭

太廟

福陵

昭陵 遣官祭真武東岳城隍之神



